

SULIT

NAMA : TINGKATAN :

**MAJLIS PENGETUA SEKOLAH MALAYSIA
KUALA LUMPUR**



MODUL TOP 5 KUALA LUMPUR 2025

BAHASA MELAYU 1103/1

TINGKATAN 5

Kertas 1

2 jam

JANGAN BUKA KERTAS PEPERIKSAANINI SEHINGGA DIBERITAHU

1. *Kertas peperiksaan ini mengandungi dua bahagian: Bahagian A dan Bahagian B.*
2. *Jawapan hendaklah ditulis di dalam kertas jawapan yang disediakan.*
3. *Jawapan boleh ditulis dalam tulisan Rumi atau Jawi.*
4. *Kertas jawapan hendaklah diserahkan kepada pengawas peperiksaan pada akhir peperiksaan.*

Join telegram @exercise_students

Kertas peperiksaan ini mengandungi 4 halaman bercetak.

Join telegram @exercise_students

Bahagian A

[30 markah]

Soalan ini mesti dijawab.

Baca kedua-dua e-mel di bawah dengan teliti.

Anda dikehendaki menjawab satu daripada e-mel di bawah. Tulis e-mel anda itu selengkapnya.

Panjangnya e-mel anda hendaklah antara 150 hingga 200 patah perkataan.

E-mel 1

Daripada:	aidil@ggmail.com
Kepada:	rohiman@ggmail.com
Subjek:	Pentingnya Pelibatan dalam Kokurikulum
<p>Salam hormat Rohiman,</p> <p>Apa khabar saudara di sana? Terlebih dahulu, saya ingin merakamkan ucapan tahniah yang setinggi-tingginya kepada saudara atas penerimaan anugerah Tokoh Kokurikulum peringkat sekolah. Saya difahamkan bahawa saudara bukan sahaja menjuarai kejohanan badminton pelbagai peringkat, malah juga aktif dalam Kadet Remaja Sekolah dan menjadi pengurus Persatuan Bahasa Melayu. Saya ingin mendengar pandangan saudara mengenai pentingnya golongan remaja melibatkan diri secara aktif dalam kokurikulum.</p> <p>Terima kasih atas kesudian saudara membaca e-mel saya ini. Saya menanti pandangan saudara.</p> <p>Yang benar, Aidil</p>	

E-mel 2

Daripada:	natasya@ggmail.com
Kepada:	maria@ggmail.com
Subjek:	Cara-cara untuk Cemerlang dalam Akademik dan Kokurikulum
<p>Maria,</p> <p>Saya berharap awak berada dalam keadaan sihat. Sejak kebelakangan ini, saya berasa semakin sukar untuk memberikan tumpuan kepada pelajaran kerana terlalu banyak komitmen dalam aktiviti kokurikulum.</p> <p>Saya bangga kerana awak cemerlang dalam bidang akademik dan kokurikulum. Pencapaian awak ini sangat mengagumkan saya. Bolehkah awak kongsikan rahsia kejayaan untuk mengimbangi kecemerlangan kedua-dua bidang ini? Saya menantikan perkongsian daripada awak.</p> <p>Sahabatmu, Natasya</p>	

Bahagian B**[70 markah]**

Bahagian ini mengandungi empat soalan. Jawab satu soalan.

Tulis sebuah karangan yang panjangnya antara 350 hingga 500 patah perkataan.

1

PAPAR: Kerajaan Sabah akan mempergiat usaha menambah baik pemeliharaan warisan budaya dan memantapkan pengurusan alam sekitar bagi memacu dan memperkasakan industri pelancongan di negeri ini.

Ketua Menteri, Datuk Seri Hajiji Noor berkata, usaha mempermaju sektor pelancongan dengan meningkatkan produk pelancongan adalah selaras dengan komitmen kerajaan Malaysia untuk menjayakan kempen Tahun Melawat Malaysia (TMM) 2026 yang menyasarkan kedatangan lebih 35 juta orang pelancong.

Sumber: Bernama, 25 Januari 2025.

Berdasarkan petikan di atas, huraiakan usaha-usaha pihak kerajaan untuk memajukan sektor tersebut di Malaysia.

2

Kebudayaan dan kesenian sesebuah negara melambangkan identiti dan warisan yang perlu dipelihara. Namun begitu, sewaktu mengharungi arus kemodenan, generasi muda semakin kurang menghargai seni budaya tradisional seperti tarian, muzik, pakaian tradisional, dan seni kraf tangan. Banyak festival kebudayaan yang dianjurkan juga tidak mendapat sambutan kerana kurangnya minat dan kefahaman tentang kepentingannya. Oleh itu, pelbagai langkah perlu diambil untuk memastikan warisan budaya negara terus kekal dalam jiwa rakyat.

Sumber: Kementerian Pelancongan, Seni dan Budaya Malaysia. (2022).

Sebagai respons terhadap petikan di atas, huraiakan peranan pelbagai pihak untuk memartabatkan perkara tersebut dalam kalangan masyarakat.

3

Bahasa Melayu merupakan bahasa kebangsaan yang memainkan peranan penting dalam pembentukan jati diri rakyat Malaysia. Selain itu, bahasa Melayu juga mendidik rakyat dengan nilai-nilai murni melalui kesusastraan yang kaya dengan karya bernilai tinggi seperti puisi, novel, dan cerpen.

Sumber: Dewan Bahasa dan Pustaka

Huraikan kepentingan-kepentingan yang dinyatakan dalam petikan dan kepentingan lain penggunaan bahasa tersebut kepada negara.

4

Pensyarah Kanan Sejarah Politik Malaysia di Universiti Sains Malaysia (USM), Dr. Azmi Arifin berkata, kira-kira 80 peratus anak muda kini dikatakan tidak lagi peduli akan sambutan Bulan Kemerdekaan berbanding hanya 20 peratus yang masih kekal menghayati serta menanamkan semangat patriotisme dalam diri. Banyak sebab perkara ini berlaku ketika ini jika hendak dibandingkan dengan beberapa tahun lalu. Anak muda lebih banyak terpengaruh oleh budaya asing dan kurang membaca bahan bacaan yang berunsurkan patriotisme. Ibu bapa pula kurang menerapkan nilai patriotisme dalam sanubari anak remaja.

Sumber: kosmo.com.my

Huraikan faktor-faktor yang menyebabkan semangat ini semakin luntur dalam kalangan remaja.

KERTAS PEPERIKSAAN TAMAT